

經部

詳核官宗人府府近臣實光解 通政使司副使臣莫瞻菜覆勘

總校官降調編修官倉聖林 校對官修撰臣具鍋於

腾绿監生 高伯楊

钦定四車全書 題 相推變在其中矣繫解焉而命之動在其中矣吉山悔 欽定四庫全書 合者生乎動者也 卦成列象在其中矣因而重野之文在其中矣剛柔 成列言三畫之卦象謂陰陽之或多或寡或上或下 也重之言六畫之卦剛柔相推本文言如一卦而變 周易函書約註卷十五 **凡易函言的註** 禮部侍郎胡煦撰

勝作稱天地之道貞觀禁者也日月之道貞明者也天姓信本大地之道貞觀去者也日月之道貞明者也天 剛柔者立本者也變通者超時者也古山者自勝者也 下之動貞夫一者也 當動之文言也 則為動指能變之本交言也益聖人所命之辭皆指 動即變也據象而觀則為變指所之言也據解而言 四爻之辭皆因其動而命之命者命其言凸悔吝也 六十四六十四而變四千九十六是也繫三百八十 次定四軍亡馬 图 柔則變化无自而出故曰立本建于相推而有變化 言繫解而命吉凸此义言貞勝謂吉凸相勝也非剛 吉凶本繋辭來而此不及繋辭以吉凸句該之也上 柔本卦文來而此不及卦文以剛柔句該之也上節 然從剛柔說起則三畫六畫之卦皆在其中上節剛 以剛柔相推為變通此又曰超時即變通之時也上 剛柔相推二句貞勝二句申上文繋辭而命之四句 文在卦中故此節言文而不及卦立本二句申上文 周易函書約註

成其勝爻象既定陰陽既殊若剛柔之不同質香臭 定两義益天地之大化由一元之亨而起至利而貞 成始能正定三義原不相離然一成字又實能該正 **凸象成于此卦此爻中則吉者不得而爭之而凸遂** 于此卦此爻中則凶者不得而爭之而吉遂成其勝 則萬物之既成矣故此處之貞皆言成也如吉象成 正而定則既成矣凡卦言貞正定之義居多然必既 如初中末時也動始變終皆時也貞成也正也定也 次色四重全情 图 晦朔弦望既各成其明亦遂各有相勝之理日陽而 復亦遂若此相勝之理而一清一寧一升一降何非 而成其明終古不易故為真明益易之為道不外 月陰而陰必資陽故日以自明而成其明月以借明 有定理是即成此觀示之理以昭 示于人故陰陽往 坤之德比象天地天地成位于上下而升降往來各 之不同氣故能各成其勝然古凶之理生于陰陽乾 以相勝之理相觀示也日月代天宣化其晝夜明昧 用易函書約註

原也 亨而利旣有所成而正定于此雖不盡同然同此 運益天下之動皆成於此一者也是周易從出之大 貞其貞要其所由然者莫非太極之所分一氣之幹 元則亦同此一貞葢據不齊者而論則吉凸有相勝 變通吉山海各此道也天地亦此道日月亦此道其由 陽天地日月皆陰陽則皆乾元所統故易中之剛柔 之理天地有工下之分日月有明晦之別而莫不各

次定四車至 陸董姓文也者效此者也象也者像此者也文象動乎 内吉凶見乎外功業見乎變聖人之情見乎辭 夫乾確然示人易矣確說文大坤隤然示人簡矣惟是 簡益唯健則難者不難唯順則繁者不繁確然者理 物雜然并見宜若最繁然順承天德无成代終則至 流行无滯變化各正萬物資之則至易坤道資生萬 理原不相侔乾元至尊健運不息宜若不易然其體 本上貞勝來言吉凸之所以貞勝者以乾剛坤柔其 周易函 書約該

育之功業遂因其變而可見至于因交象而繫之辭 順順則柔象之有剛柔像此易簡之理也至爻象動 易象非能有外于易簡也法乾道之不息而徵時法 定而不移價然者體定而不費聖人效法乾坤作為 得不貞勝乎吉凸既定則超避有幾故聖人祭贊位 于内而吉凸遂見于外莫非易簡之呈露而吉凸安 乾德運行而无阻故健健則剛坤道承天而代終故 坤體之鎮静而定位爻之有時位效此易簡之理也

がノニア

次足四年上時 人曰財理財正辭禁民為非曰義 天地之大德日生聖人之大寶日位在每寶何以守位 而乾坤易簡之蘊亦遂不能掩矣益易書未作爻象 又所以審古凶而定功業者故聖人之情遂見乎辭 人之以古凶事業顯于辭者皆顯此易簡之精蘊而 明作人王庸王伯玉桓元明僧給本皆作仁何以取朱子曰今本作仁召氏從古作人今按陸德何以取 理具于草坤易書既作易簡之理備于文象則聖 周易雨書的註

長也然无人不可以言位故位字中便已兼有人字 非有仁以得其心則衆非其衆而位不可守還當作 罔與守邦來氏從王肅作仁即保合之太和元善之 仁字為正况下言聚人之財禁民之義則此仁字自 以祭贊位育故稱大寳仁字本義從古作人謂非衆 生者天資生物之始地資生物之成也位天位資之 故遂從天地說起大德者易簡之著見无物不資也 本上功業來遂言聖人之功業聖人功業本乎易簡

金万口万八重

於定四車全書 一個 皆功業所在所以守位而與生生之造化同德者也 禁民為非也教之也一說理財正辭禁非作三項按 當與下文一例財者仁民之具理財者富之也九賦 欲其禁防其不合于宜也故皆曰義凡仁之與義要 財有冝有不冝故須理辭欲其正欲其合于冝也非 九式是也義者輔仁之術正辭與正名相似即所以 能而繼之以聖人之成位見聖人之克配天地此 右第一章 上繋首章由天地陰陽說出易簡知 周易函書約該

古者包犧氏之王天下也 象于天俯則觀法于地勝鳥 網獸為食名古字包如字伏戲云伏服也戲化也馬 是與天地一 出天地易簡貞一之德而因及聖人之功業見聖 作易之 之究竟也 人之粲贊位育同符于天地是易道之大用周易 源易之體也下繫首章從卦中之文象說 **や孔** 宜子 司 马中 卷十 Ð 觏 灾 萬 字 也 俯付伏通 補之工工工 烏 庖獸 觀鳥獸之文與 无 拓 作 天素 1 1 1 1 犠犠 近 則 孟 包

物之情 諸身遠取諸物于是始作八卦以通神明之德以類萬 總于中則觀之而玩其理取者象著于外則取之 合其象觀象于天如日月有升沉星辰有顯晦又 以類情通德故能建功立業而衆贊位育也觀者理 意為之也其始觀而取之務期與天地人物不違于 此言聖人之易所以能恭贊位育者因易卦之作非 上文說到功業便是祭贊邊事便具類情通德之義 而

次に日年上十二

周易函書約註

イグログノファ 飛獸走馬健牛順是也又如林棲者羽如葉地行者! 卦五上象天之陰陽初二象地之剛柔又如初中末 息也象之法之如三畫之卦上天下地中人六畫之 位又如静文明位動文徵時皆是也鳥獸之文如禽 澤為陰艮山兒澤坎水離火五行八卦一陰陽之消 異象風雷坎離象日月皆象也法法象山陵為陽川 之相循準乎天而徴時上中下之不移准乎地而定 日月有出庚見丁滿甲之異皆陰陽之消息也又震

钦定四車全書 爾 宜謂地之南北陰陽寒暑各有所宜皆陰陽之消息 **乾首坤股皆陰陽之消息也遠取諸物如動有飛潛楠** 身如首圓象天足方象地外而五形内而五性又如 也橘不踰淮鸐鵒不踰濟天津聞鵑皆是也近取諸 稻九家易曰四方四維八卦之位山澤髙卑五土之 來氏以為充漆徐桐謂伏義猶尚鮮食非有髙泰下 毛如草水游者鱗如波濤及希草毛毯之類皆陰陽 之消息也又如風啓文明龍圖龜書皆是也地之宜 問易函書約註

生或消或息者流行之用變易之義所由著于是據 盡人物見夫一隂一 取之後畫成之卦配言明矣上盡天文下盡地理中 此皆卦畫未起觀之取之以為畫卦之資不得將觀 其中十二空象十二支十二月皆陰陽之消息也凡 其陽息而陰消則畫一竒以象陽而乾兒離震從陽 鯉鱗三十六龜板中直分陰陽左右各五紋分五行 有天喬又如乾為金玉坤為布帛又如龍鱗八十 陽者對待之體交易之義所由

次足四年全書 團 者也八卦成列則及成而象備天地之情乾坤類之 之動止之德震艮通之悅麗險入之德兒離坎異通 中得之神明之德即觀取中所得陰陽之理精微而 陽動陰静陽神陰形陽明陰暗陽有陰元皆于觀取 之萬物之情即觀取中所得陰陽之迹散殊而不 不測者也八卦成列器具而道存健順之德乾坤通 以象陰而巽坎艮坤從陰而生者因以次而列右又 而生者因以次而列左據其陰息而陽消則畫一偶 周易函書約註

作結繩而為網罟 すり 故可類 通萬物之情即古凸悔吝得失憂虞卦皆有以象之 隱寓于天文地理鳥獸人物中者令觀而取之故 德者陰陽之含蘊情者陰陽之形見德潛而難見故 雷風之情震異類之山澤水火之情艮兒坎離類之 口通情顯而易見故曰類按神明之德即太極之妙 文通德類情皆說卦所由起然觀而取之則通德 今石經ノノ 作罔 佃田 以漁魚敷蓋取諸離 12]

钦定四軍全書 上文既曰類情則聖人卦畫一成而制器尚象由 異魚爲網罟中物以之取獸曰佃取魚曰漁雲峰胡 之易遡日二異顛倒爲結繩兩目相麗爲網署兒兔 通德而類情準之以合于物理達于人事者也離為 德亦可上取字是取之以畫卦此取字則卦畫旣成 氏以爲非取于離蓋似離耳果然則取字說不去矣 目互異為絕重目而繫以絕網罟之目目相承者似 之義已明此後說制器尚象全是類情之事兼說通 周易函書約註

作妹未轉之利以教天下盖取諸益 包養氏沒神農氏作農養古文野木爲耜採木爲未称 鐵雞謂之未頭未者耜之柄揉木使曲而爲之其動 耒耜今之犁也耜者耒之首斲木使銳而爲之今加 也在下之耜能入者在上之未以象言則二體皆木 名義亦有合矣艮爲手互坤土木入土而動耒耜象 以德言則上入下動天下之利莫大于耕樣于益之 以興有何不可何必曰非取離也 卷十五 次定四軍之告 ! 所蓋取諸噬嗑 日中為市致天下之民聚天下之貨交易而退各得其 有易所无各得其所亦猶物之有問者噬而虚之也 互見坎水艮山羣珍所出又伏異市利三倍聚貨象 異為進退退象民止各得其所之象貨合于市以所 合沙鄭氏曰始離次益次噬嗑所取者食貨而已食 又艮手揉木故曲 離日在上日中象互良徑路震大途又為足致民象 周易函書約註

使民宜之易窮則變變則通出三年五通則人是以自 神農氏沒黃帝堯舜氏作通其變使民不倦神而化之 今な セガノニアル 天祐之佑作古无不利黃帝堯舜垂衣裳而天下治蓋 取諸乾坤 貨生民之本也 能久凡事執持太堅既久而不安必倦聖人利導而 通之使不安于故常變易新機故民鼓舞而不倦由 通謂行而无阻變謂陰陽互易陰陽相循无端所以

使民宜之便說久遠後矣周易之理事勢窮極以當 所事所以致宜也宜字便含可久意下文窮變通久 而通變宜民則與天合德是以自天祐之不倦于始 乃理之循環而根極天命者惟能奉若天道當其時 更變然後流通既流通然後安而可久夫窮變通久 泛論其理正發此四句之古蓋使民不倦是方爲時 凡事用功既久多不相宜予之以不可知從之以无 之而莫知其所以然神也以漸而相忘于不言化也

飲定四車全書 1

周易函書約註

為乾坤本循環而不已實上下定位而不紊也乾坤 未興故黃帝堯舜因其變而通之唯垂上衣下裳之 為之洪荒之世草衣鮮食風氣未開人文未著禮義 前段无為指後段朱子發曰二老合者无為也六子 易蘊在上而覆故象衣在下而順故象裳垂衣以下 制以明尊卑貴賤之分而天下自治者蓋取諸乾坤 宜民于終而吉无不利矣然其通變宜民非聖人創 正通變宜民之事本義日乾坤變化而无為變化指

卷十五

飲定四車全書 图 切冉 割木馬舟作格 不通的致速的以利天下古 銳可以進舟濟不通者横渡水謂東西南北之阻絕 白絕到到也到木中虚可以載物刻斬削也刻木末 尊卑之義而天下治三字中含有變通宜民在內 自用也十三卦獨乾坤合為 本義致遠以利天下疑衍來氏以濟不通句絕致遠 陸德明 刻木為楫降作機 舟楫之利以齊 周易正言約註 本无 싕 卦按上衣下裳止具 盖取諸溪切 刻

取諸隨 服牛乘馬說文作備引重致遠以利天下出一 楫象又艮手 震楫亦舟行象 乾金入木刳刻象坎水異木互震動而流行若風舟 致遠本引重來此致遠本濟不通來取諸溪者良手 道也濟不通與下文引重同致遠與下文致遠同下 者也致遠者或故而下或逆而上謂千里百里之遠 上古牛未穿鼻因性順而穿其鼻馴而服之上古馬 卷十五 字

牛背上入而下動服牛引致象震為馬為道路否乾 引重致速者為其捷也此分承也引致相連說亦可 致遠象牛非不可致遠引重者為其力也馬非不可 道路乘馬引重象震由坤變坤爲牛一奇在後陽實 為遠艮為手爲背震為足為動異股在馬上而行于 牛良為鼻中互異絕縛而牽于前服象異絕縛物在 未絡首因性健而絡其首駕而來之虞翻曰否坤爲 而大引重象兒由乾來乾為馬一偶在前大道開張

改定四車全書 月易雨南的社

自ら 重門擊作就文作機以待暴客鄭本作執子盖取諸豫 震動善鳴有聲之木析象艮為手手動而鳴擊象坎 互艮門震覆艮亦門重門象豫一陽界五陰間關象 隨其天也馬劣喜前駑者喜後隨其性也 矣隅通曰牛生望前則子行母前望後則子行母後 為盜暴客象艮為守門閣人坤為闔待暴客象豫逸 取諸隨者下動而上院也牛馬隨人而動則可謂悅 也備也讓輕豫怠逸也恐逸豫故豫備待也者豫備 V Ž 1: 1:

斷木爲杵掘地爲白臼杵之利萬民以濟蓋取諸小過 異入艮手持杆出入臼中春象美利天下者乾也本 互兒毀折震木遇兒金艮手震動斷木象艮手持木 入坤土掘地象艮止于下象臼震動于上象杵震出

次定四草在島 **弦木為弧則木為矢弧矢之利以威天下蓋取諸睽 弦木使曲剡木使銳互坎木堅離木稿坎弓矢離戈** 无乹故不言利天下 問易函書約註 五

金グロたんで 上古穴居而野處後世聖人易之以宫室惟哉文 弧象 棟屋脊木宇椽也一日字屋邊也棟盾承而上故言 方所以威天下者為其將乖不服也黃疏曰兒金離 兵兌毀折木直而柔以水火則曲木堅而削以金 **鏃則利水火相息皆有征伐義故既未濟皆伐鬼** 以待風雨蓋取諸大壯 相見殺機也兒金射離甲而穿其中心故朕有弦 力口

古之葬者厚衣之以新春去葬之中野流者作不封不 室變成大壯乾人入宫故易以宫室 為野異為處乾為聖人後世聖人謂黃帝也艮為宮 卑兩陰在上而卑字象重陰在天上雷以動之互兌 大過四陽相比故亦稱棟大壯壯固之義也虞翻日 雨澤覆異為風風雨象四陽相比上承而健棟字象 无妄兩象易也无妄乾在上故稱上古艮爲穴居乾 上字兩垂而下故言下震木削以乾金棟象陽尊陰 +! :::

次足口東上馬

周易由書約該

樹喪期无數後世聖人易之以棺鄉盖取諸大過 當大事故取大過虞翻曰中孚兩象易也本无乾故 為口伏良為手氧為人木上有口以手入乾人入棺 異木而人在其中棺柳象乾為郊中野象異為入兒 隱伏葬象或為衣中互兩乾厚衣象異木新象乾鑿 衣新謂覆以新也不封无土堆而人不識也大象坎 象大過過于厚也小過養生大過送死唯送死可以 不言上古互乾故但言古者穿土稱封封古空字也

台グログハー

老した

次足四車全書 理萬民以察蓋取諸夫 上古結繩而治後世聖人易之以書契百官以治通作 皆金兒為毀折有刻劃之義大壯進而成夫易震而 坤書象上又見乾契象以乾照坤察象夬決也乾兒 者約誓之事事大大其繩事小小其繩結之多少隨 物眾寡執以相考亦足以相治也夬本坤來世下伏 之上无私而下无偽天下若是其治也九家易曰古 上古事簡民淳已事結繩以記之關人者結繩以驗 用易函書的該

大壯大過夫此三蓋取頭兩象上下相易故俱言易 誠偽无所隱蓋夹有明決之義書契正所以明決天 易也乾象在上故復言上古後世聖人指黃帝堯舜 下之事情此皆聖人制器尚象而類情之事通德即 此書契治百官則功罪不敢欺以此書契察萬民則 結繩而爲書契古簡策用竹木以鉛刀刻劃之也以 兒若刻劃竹木者然兒覆異繩使異隱而兒現故易 在類情中蓋唯德通然後情可類也虞翻曰履兩象 卷十五

无乾大過乾不在上故但言古者 之大壯本无妄夬本履乾象俱在上故言上古中孚 右第二章 言制器尚象類情通德之事網罟未 **夬之書契蓋器利用便則巧偽生聖人憂之故以** 所以防民患杵臼以利其用衣服以華其身宫室 耜所以足民食交易舟車所以通民財弦弓門标 生送死无遗憾矣然百官以治萬民以察卒歸于 以安其居棺槨以送其死所以為民利用安身養 周易雨霧的註

次已日東白島 一人

者效天下之動者也是故古山生而悔吝著也 是故易者象也象者像也像亦作象。象者材也文也 白クログとう 象蓋謂易字即日月合形也若但如此言象則象像 像象似也像則指形言虞翻謂日月在天成八卦之 不分矣須知易中實理原无可言因據相似者証之 上言制器有取于卦象故此即象釋之以爲形像之 書契終之特舉十三卦制器之象以爲諸象通例 故下章遂有象像之說

次定四車全書 卦言是說伏羲之易象者句指象傳是說文王之易 象者像也象字虚像字實如天與龍北馬冰霜皆像 文也三句指交辭是說周公之易天下之動如婚構 故曰易者象也所謂相似者即有形之物証之故曰 義言爻效天下之動即所云易以貢也象也二句指 凡夫德體象變卦義皆其能也效法也獻也發露之 陽至健之能元亨利牝馬之貞言純陰至順之能也 也木挺曰材材榦也謂卦之能也如元亨利貞言純 周易函書約註

有文過之意至于凶則否之著也象者象之材天下 之動象之變吉凸悔各則據象以生因象而著也 心尚微故曰著悔有改過之意至于吉則悔之著吝 理者馬爻辭之險者效乎動之逆理者馬生者從此 祭祀建侯行師不可枚舉爻辭之易者致乎動之順 而生著者自微而著吉山在事本顯故曰生悔吝在 拘天德者忘人事拘人事者忘天德也 右第三章 此因制器尚象而遂釋象字之義恐

陽卦多陰陰卦多陽其故何也陽卦竒陰卦偶其德行 次足四軍全事 圖 聲何也陽一君而二民引民作臣君子之道也陰二君 而一民小人之道也 奇者陽之獨偶者陽之重也本義謂陽卦皆五畫陰 卦皆四畫其象亦是如此第此節說君子小人及君 亦本象字來陰陽竒偶皆象也其多少君民君子小 人之說則貴陽之義也此言已成之卦陰陽有多寡 民之分全是貴陽專論陽文矣蓋陽動陰靜陽有為 用易函書約註

自ラビ 爲用陽不資始則陰元以資生故因統天而謂之君 資其生故陰以无成代終而謂之民 陰靜而无爲以承受爲用使陽德不施陰必无以 陽尊統陰有君道馬陰賤承陽有民道馬陽以不息 子之德行自形上者言德行兼善惡與上故字相對 陰无為故論陽不論陰所由謂 可知上何也論六子之統雜自形下者言下何也論六 也下文以君民别尊卑以君子小人别邪正則貴賤 ť 陽為奇重陽為偶 白

改定四車全書 一 **慮天下同歸而殊塗一致而百慮天下何思何慮** 易日憧憧往來重量通用朋從爾思子曰天下何思何 思慮思者心之用處者思之深致極也使之至也則 從者亦狹因把一個往來在心上不少放下這便是 亦唯所感之朋應爾之思而已蓋所思者既私則所 相忘于感應之自然唯是憧憧忙亂于爾所往來則 釋成九四爻亦如上傳擬議之事文言人不能守正 右第四章 本上章象字因發貴陽之義 周易函書的註

月寒暑雖兼言往來屈伸似若相循不息者然言往 則同一致百慮在用心時說言設想之地不在多而 塗 同歸在行事上說言所行之道雖異而要歸之地 以求伸蟄以存身及入神安身之說則注意可知殊 兼言來言伸兼言屈畢竟所重在來屈邊觀後言屈 同歸一致四字是探本窮原去繁就約之首中節日 百務紛紜皆可慮也可知天下之理至簡而可以御 按爻辭既以紛擾為非孔子又云何思何慮則當重

而利生焉 暑來暑往則寒來寒暑相推而歲成焉往者屈也來者 信也至而應也竟作信字解朱子從幸昭說屈信相感信也姚作伸古伸信同音淇澳公曰信者時屈信相感 日往則月來月往則日來日月相推而明生焉寒往則 禁人以思但不必馳逐于外耳 字便是逐逐于外便非同歸一致之理可知孔子非 繁至約而可以該博何思何慮為哉思慮上安天下 上文憧憧往來紛擾者也此言一往一來往來齊 用易函書的註

飲定四事全書 一

芋

有來有屈則有信原非溺于一偏也在造化者何有 說止為坎離言耳成功者退謂之屈方來者追謂之 春也覆震亦春紀秋也四時象備故言歲然寒暑之 者也變坎故言月互離故言日坎冬離夏下艮東北 言往來卦變所通莫明于此此見伏動變四通之說 于思慮而憧憧往來乎照按變感言往來而蹇卦全 也日月有照臨之功歲序有始終生成之功有往則 信一往一來一屈一信循環不已謂之相感利者功 五

身精義白入神以致用也利用白安身以崇德也 尺蠖之屈以求信也龍蛇之蟄此陸廣以存身也陸董 行蟲觀此節重屈蟄二字則知首節重同歸一致四 物理聖學言屈信往來之理亦莫非自然之機蠖屈 所由與康節之天四卦含地四卦同一義也 上節言造化之屈信往來感應自然之常理此節即

次定四車全書 一個

來屈信雖對舉其意謂往必有來信必有屈未當一

用易函書約註

字蓋屈蟄即靜專之義正與憧憧往來相反上節往

不可專說在內謂精密其義為正所以入神而妙干 安身連崇德句精有秘密之義自其蘊蓄言所謂屈 屈信止如動靜凡動皆由靜起此即同歸之知所歸 用即致用之用致用自其發通見遠者言利用自其 其用也此句從静說向動即從屈說向信也利用之 也神者兩在不測兼內外合始終而貫之所謂信也 味走入往邊信邊以見感應有本无事紛馳外騖 致之致于一也精義利用當絕句入神連致用句

飲定四華全書 M 德謂得于已不曰立而曰崇自其已得後言在內之 處置停當時言所謂信也安如安土敦仁之安論效 欲明首節殊逢同歸百慮一致之義此與顯仁藏用 用者正求安身以崇德也此從動說向静即從信說 雖在用後論位却在用前正是静時正是屈字之義 相似舊以入神連精義夫神獨在內者乎以安身迎 向屈也總見動静相循仍是次節屈信往來之義正 積累也利用便是信了安崇皆屈邊事猶云欲利其 周易函書約註

雙龍她忽然挿此二語誠乃大奇嘗觀宋史言希夷 聰明者無過顏子止曰其始庶幾乎或者顏子可至 别有妙旨也及觀下文藏器待時與見幾之說及細 善睡說者以爲得龍墊之法孔子係傳已先言之或 乃有七壁之識意者子貢之藏敷則子貢之深契秘 緼化醇搆精化生之説或其中另有秘旨乎聖門極 利用夫既在用邊則不免經營動作而身能安乎尺 猶未至也及觀子貢反築室獨居其後始皇掘墓

次定四車全書 一人 過此以往未之或知也窮神知化德之盛也 德盛總緣憧憧者逐外而忘本故為探本窮源之論 體邊達化之原而无勿悉也到此則內外渾融故為 矣窮神說在用邊極神之妙而无勿用也知化說在 難量只須到窮神知化方為德盛德盛則不止于崇 于其後過此以往未之或知便見得精進不已後必 古蓋可想矣特不可向癡人說夢 上精義四句皆用功之事故用兩以字便是有所龔 周易函書約註 恚

肵 易曰困于石據于蒺藜入于其宫不見其妻凶子曰非 金グログと言 死期將至胜德明妻其可得見耶 因而因馬名必辱非所據而據馬身必危既辱且危 所冝據妻指上六上柔應而不應其病固以二四剛 四四剛在前則必為所困蒺藜指二二剛在後則非 釋因六三爻義此屈非所屈而身不能安之象石指 使紛馳者有以自返又以見本原之大用如此難量 被憧憧往來者何為也哉

於定四東全書 家走之大過爲棺槨死喪故曰死期將至元公曰困 強實在陰柔不中正上謂非所宜因乃被因而不前 象也豫復提幾以應精入致一應一致恒應咸天下 身不能安否爻言身安以保國家鼎爻則身不安之 爻反明利用安身解爻正明利用安身噬嗑反言見 相援身又不能之應妻能見乎陸績曰三從困辱之 適以取禍身必危矣名辱身危死期將至應旣不能 則招尤貽譏名必辱矣非所宜據乃據而失所依則 周易函書約註 美

易曰公用射隼于髙墉之上獲之无不利子曰隼者禽 何不利之有動而不括是以出而有獲語成器而動者 き 也弓矢者器也射之者人也君子藏器于身待時而動 憧相似 无深淺總以明心學耳此爻前後皆失所依正與憧 此及解悖之具則致用之本也鷙禽害物所當去也 釋解上六爻義在解以解悖為義所以發上爻之用 卷十五 於定四軍全書 一 為藏艮為待為時震為動乾三伏陽出而成乾為君 器无其時耳既有其器又乘其時是以一出而有獲 陽出而成乾令三射隼與象音不符照按藏器由信 子稱人上稱公三應上故上令三出而射隼此謂伏 虞翻日離為隼故稱禽離為矢坎為弓坤為器為身 不已晚乎蓋君子有為于天下常至括礙者唯无其 除害旣必須人則人所以致用之具必待取給臨時 弓矢射隼之器所當備也執以射隼又非人莫與也 周易函書約註

子曰小人不恥不仁不畏不義不見利不勸奉正不威 校減趾无咎此止此之謂也 不懲以不懲大成小您而大戒此小人之福也易日優 畏者莫如不義小人則甘心不義其所勸唯利不見 憧憧往來也可恥者莫如不仁小人則甘心不仁 釋噬嗑初九爻義欲人之能改以求安身无逐逐于 是入神致用之事皆安身也 說向屈是安身崇德之事由藏而動是從屈說向信 可

合グログハニ

卷十五

初故說入初文滅趾之懲未至于身大誠之福則身 趾小人之福貼无咎按此當與顏子之復同看復為 **乾以勸兼仁義懲兼不仁不義小懲大誠貼屢校滅** 此正小人之福也小懲謂初陰卑下大誠謂陽文也 于避今所懲雖甚小然可以止惡子初則所誠甚大 不遠之復此爲違之既久而始改者也以在方改之 利則不勸而勇于超其所懲唯威不威則不懲而果 說不勸本不恥來不懲本不見義來作分承說

钦定四車全書 人

周易函書約註

為无益而弗爲也以小惡爲无傷而弗去也故惡積而 善不積不足以成名惡不積不足以減身小人以小善 不可掩今石經罪大而不可解易日何校減耳何去 善一改便盡終而不善則從前之積累必非朝夕之 事終當初而懲則後之改革可知故其身可安何校 乃積惡負罪之象減耳為罪大不可解之象始而不 釋噬嗑上九文引此正見初文之善初為事始上為 之既安矣

是以身安而國家可保也易日其亡其亡擊于苞桑 者也是故君子安而不忘危存而不忘亡治而不忘亂 子曰危者安其位者也亡者保其存者也亂者有其治 妙存與治皆圖安之事來氏以安位貼身保存貼家 釋否九五爻義此言禍福之倚伏以見屈伸相循之 以靜爲初信以屈爲初春秋謹始慎微天道也 大惡極罪大必至減耳身何由安改過莫如初幾動 故故日積凡事創始必微速于漸積必非其故故曰

飲定四車全等 四

周易函書約註

勝其任也勝音 不及矣解陸易曰鼎折足覆公飲馬作 子曰德薄而位尊知小而謀大陳日知力小而任重鮮 分グセ人と言 字義此反言德知力之不足見其不勝任也故下節 釋鼎九四爻上言燭始見終轉危為安者便含有智 亡故家國可保便兼治存在內 有治貼國須知安危存亡治亂身與家國皆有之合 三者而言則始于治亂馴而至于安危究竟底于存 卷十万 其形渥凸言不

次足四車全書 月月日本的日本年一年不俟終日易日介于石諸家不終日貞吉介如石馬寧 幾者動之微吉之先見者也其言引此君子見幾而作 子曰知幾其神乎君子上交不諂下交不瀆其知幾乎 禍也 過四應陰此亦應陰故不勝同義鮮不及謂鮮不及 大四互氧體故謀大五至初體大過本末弱故力小 言知幾之知見其知之早不俟終日見其力之斷以 九居四故德薄四在戴上又近君故位尊载爲知爲

用終日斷可識矣君子知微知彰知柔知剛萬夫之望 幾則方動至微而未顯者也此則長善之仁由保合 漬慢下交不漬也上交宜恭順而或失之餡下交宜 交不諂矣初鳴豫凶不正者也初雖比二二中正不 矣初以應交三以比交皆諂四者也二隔三不與四 釋豫六二爻豫九四大有得蓋四陽爲卦主得其時 日知幾未動則吉凶无形已動則吉凶有象非幾也 和易而或失之瀆不諂不瀆其具有先見之明乎故

戾氣可得而雜故文言發明率性之道便曰善長又 資始于乾元之亨乃有保合之太和既曰太和必非 變離爲日幾則未變時故曰不俟終日蓋生人之性 謂為性善其邪妄之生皆由外面緣感而入畜子心 已教顔回首曰勿視勿聽禁其外之雜所以養其中 地漸次發生漸次長養要非本性所有故孔子以克! 日體仁長人而子思遂以為發皆中節孟子遂確乎 之太和從初肇見故為吉之先見而未始有凶也久

次定四年上十二

周易函書約註

幾為兩歧之名便非動微之旨恐于孔子易傳亦不 言夫不唯幾在微香之際必无善惡可以形見即以 本性不能不漬則本于天命發于自然故說出動之 相合不諂不漬何云知幾蓋諂漬皆染于習俗原非 微見得性之方動本无所雜故確乎以爲不諂不瀆 儒言性遂有義理氣質之分要亦本于幾善惡之 之純也知性中原无不善則性之方動全是吉徵可 知此中安有不善可言凸咎乎自漢儒添入凸字宋

飲定四市全書 處其中前後俱堅故須察幾所以詳說幾字姚信曰 斷可知也按介字即界限之界因上下兩剛如石三 見耳不諂不濱即不上不下不亢不抑之義謂居中 故日知柔與四同功故日知剛照按此四語當重微 可知矣坤土在山下故言石斷決也斷可識者言決 而又以爲古之先見也若至著見而雜則古不古未 剛二字知剛故不諂知微故不瀆彰與柔特相形以 二下交初故日知微上交于三故日知彰體坤處中 19 周易函書約註 手

嘗復行也易日不遠復无祗悔元吉 子曰顏氏之子其殆庶幾乎有不善未嘗不知知之未 貞吉悔亡與成四爻解相應照按屈信往來動静天 釋復初九文義虞翻侯果皆曰此明知微之難殆將 言幾豫二貞古坤道也復初元吉乾道也二節總言 相照 地之幾也進退人身之幾也其妙全在知字與精義 而柔順也元公日豫復坤震之際動静之交也故皆 钦定四車全書 图 所以有不遠之復是不善二字即顏子之過故曰庶 无不善之幾所以有不貳過之說却將到聖人地位 于幾非謂幾中兼有不善因其尚未純全故有克己 之說不知不善二字為顏子言也非言幾也生人之 稱四勿者也周子因此處有不善二字遂有幾善惡 人牽于外緣則雜之雜矣顏子去聖人一問故不能 性全是太和渾然至善聖人全體无虧至真无妄常 也庶近也幾者動之微吉之先見此正克已之學所 周易函書約註

醇男女排精動作 天地絪縕 付りトノノニ 釋損六三爻絪麻線縕綿絮借字以喻天地之氣纒 在復初稱幾照按陽動者也復動之始也故曰幾此 大人不失赤子有何不善可言虞翻曰幾者陽也陽 正精義入神之妙所云知至至之之事也 人行則得其友言致一也 前己即不善也所以有四勿之說孩提知爱知敬 虞姚作 氤氲說文作壹 臺班 同典引 作烟煴 徐 作購萬物化生易曰三人行則損 合)) · 一個一作紙萬物化 卷十五

欽定四庫全書 D 地之氣交專而致一者也男女即天地化醇後形上 天地為萬物之大父母天地兩物也網縕化醇則天 有男女構精之象故以天地男女并言四句連看則 將地經綿之象論兩體少男上而少女下男止女悅 物之男女即陰陽也論卦象坤在中交上下皆天有天 綿交固之義醇本醇酒謂凝厚也亦借字男女謂萬 之陰陽亦兩物也構精化生則男女之氣交專而致 者也致專一也陰陽相交則專一几一皆從兩字 見日五書約註

應原无雜揉故曰致一周易唯主宰之太極難可名 損一人者兩也得其友者亦兩也兩相與則專一若 生則按天地男女兩也組縕氣交也專一不二故化 陰陽相配故曰致一干寶曰不言陰陽而言男女三 醇構精形交也專一不二故化生易曰云云者正以 形出張子曰兩不立則一无可見是也本卦應交皆 人位為言人事也損反成益萬物出震故曰萬物化 |別雜亂矣豈能成功損三應上此往彼來却又相

敏定四庫全書 りょうりょう Ŀ 子曰君子安其身而後動易其心而後語聲去定其交 而後求君子修此三者故全也危以動則民不與也與 作懼以語則民不應也无交而求則民不與也莫之 之理至損一得友之辨詳具損卦 引此從陰陽中尋出太極以見兩之致一而發太極 言孔子于此發致一之理即流行之太極也首節言 說知幾皆在兩處說而內外渾一之妙猶未見出故特 致而下言往來屈信動藏安危存亡治亂其後又 周易函書約註 丟

與則傷之者至矣易曰莫盆之或擊之立心勿恒凸 不亢不抑而身安如是既久然後出而動作何往不 往來者相對安其身者平日使內无愧作外无傾險 之積是立心之恒者故引勿恒者及証之正與憧憧 不窮總為憧憧者言持已接物之道安易定非一日 邊是安身以後之作用見得身安心定然後可肆應 源頭精微處以明精義崇德之事此說向動作有為 釋益上九爻上由安身說出知幾致一是已索搜到

钦定四車全書 易則懼非自懼恐之使畏也上與字黨與也下與字 報則民不與矣向作臨民說來氏民兼上下易作平 若驟而相值聲氣未通遠欲有求已无所施猶望其 合結契既久其交定矣然後出而相求則民必與之 内有所恐懼而語則民不應定其交者平日志同道 則民必應之若取給臨時使勢利阻于外危亡惑于 故民不與易其心者平日心平氣和然後出而相語 **冝若取給偶然行險以動是危其身矣失道者寡助** 周易函書約註 ミナ

經首咸恒之義 便與憧憧者不蒙能安能易能定則所挟者始終如 勿恒之凶也安易定皆心上持久工夫是得一之事 取與也莫之與即莫益之傷之者即擊之也皆立心 常伸而不屈矣黃元公曰此章發明心學以見下 之此當聯貫看耳通章雖說持已接物之道約其 七章九卦相似皆所以標聖學也第九卦各開言 右第五章 此十一卦非徒發小象未盡之義與

飲定四車全書 交際上說此章言天道之屈信以窮神知化審時 慎微圖存于亡量力而進見幾而作所以見天地 最精最切者也 之心體得一之妙而常懼以危亡之戒皆心學之 大肯无非心學上傳第八章所引七卦皆在言行 周易函書約註 ŧ

周易函書約註卷十五		The same of the sa			(15) イノノニー
五				·	卷十五

欽定四庫全書 繋辭下傳 周易函書約註卷十六 禮部侍郎胡煦撰

陰陽合德而剛柔有體以體天地之撰以通神明之德 子曰乾坤其易之門邪有戶字一乾陽物也坤陰物也

此章向來作泛說卦爻未會立言之旨今更正之先 言乾坤所自始以見圖與易之所自合又原名稱所

飲定四車全書

由定以見圖與易之所由分此節言義圖所具之瘾

周易函言約註

質者也論二物之德則陰與陽合陽與除合而其情 坤两象即羲圖初畫之兩儀故下遂以隂陽解之有 者言无物不包此言門自其在外者言无物不由乾 形質曰物因後此生生不窮之物皆生于乾坤故遂 乃六十四卦所從出故謂為門上傳言組自其在中 觀後開卦稱名之說可知門者從出之地乾坤两象 以能生物者而亦稱為陰物陽物天地男女皆有形 相得論二物之體則剛自剛柔自柔而其質不同陰

次定四軍全書 皆言圖也以用也撰結撰也今人稱文之結構者 撰指八卦通神明之德指八卦 所由來謂太極也 皆在其中矣一曰述也數也體者與天地之所結撰 為撰雷風山澤水火有形有氣皆其結撰于天地者 陽两儀也合德四象也剛柔有體八卦也體天地之 動止不可測者是也可見者易以二物體之比合而 同體而不二也德者理也神明之德太極陰陽健順 也一曰撰猶事也此解亦當益八卦之象既成事物 周易函書約註

自グビブ 廣之曰无形之易括于两畫中謂之縕故兼形上之 男女自交而成六十四卦剛柔雜撰之體天地之撰 交于柔而成三男之體柔交于剛而成三女之體又 以神明之德先萬物明作易之兼該此以神明之德 稱有象之易闢于兩畫後謂之門故及合德之事前 即剛柔之體神明之德即所合之德體中潜總者也 无可分不可測者易以二物通之精入而發其妙剛 承天地明作易之斷報照按乾坤說作兩畫是自圖 卷十六

其稱名也雜而不越能致于稽其類其衰世之意那 飲定四車全書 期 神明之德先天地是自有形說入无形 中看出最為得解神明之德先萬物是自隱說到顯 卦安得遽有卦名今欲知其稱名之時便當觀其稱 伏羲初畫止有四圖便足傳先天之道其時未開為 于本卦之體象未有能踰者也故云不越乃即其命 名之義夫六十四卦其體各殊其名亦異亦云雜矣 而要皆得于伏羲之先天未有能踰者也而要皆定 周易函書約註

道之心于卦爻亦非謂正當衰世乃始開卦命名而 之名指卦不指爻葢此是開卦時非開爻時也衰世 微籍以挽回氣運其用意如此因稱如此之名稱名 山歸職為衰世觀一 觀師訟冉井宫室衣裳杵臼耒耜皆非嗜慾未開人 名之義祭諸其時而考之知非伏義時便有此名今 不指文王連山歸職早已開圖為卦矣又不可以連 情渾噩時所有可知此等皆後世聖人深懼世道衰 意字便知作易聖人寄維持世

次足四華全書 本開而當名句 當名辨物正言斷辭則備矣之而亦疑有惧處當名辨物正言斷辭則備矣 夫易彰往而察來而微顯當作顯微而開幽開而開而 統之往謂由今而往來謂由前而來來言源頭往言 節中用開字一轉正圖與卦之假分見義圖文卦意 也象于内卦稱來與周公之稱初即察來之意于外 究竟易中往來原无二理非謂往為己往來為將來 各有在各擅其妙也然圖與卦皆易也故上以易字 維持之此即孟子尚論之法 周易函書約註

有り モノ 成初必在内其两儀四象八卦之所以有初必有從 由四至上卦體已成其兩樣四象八卦之往于外者 來者耳彰往察來是分圖之內外而言下用而字一 故伏義寄其義于圓圖之虚中是即两儀之來處孔 來之處故須察也周易本傳道之書太極不容言說 卦稱往則據已有內卦而言指外卦也彰顯著也謂 子象傳內卦悉稱來矣而此又欲其察來察其所由 有體可見故甚彰也來謂由來察精詳也謂卦有由

外而入内闡幽是引内而出外此四字合圖之内外 識乃必由两儀四象八卦究極于亨而利貞之後是 後世聖人作易必須開圖始成六十四卦本義謂而 轉又另是一意言四象八卦之體既成于外顯然可 而言此上說伏義未開之圖內外相倚之蘊也開者 來處之幽潛于內而難察者又有以聞之微顯是引 于外者有以微之萬物資始之元本極幽深最難察 見矣乃必推極于兩儀未起由來之地是彰往之顯 周易函書約註

欽定四軍全書 人

必是說未開之圖可知然未開之圖却加易字于上 微顯之而當在下又謂微顯宜倒又謂開而之而疑 圓圖初開其象六十有四非名以命之則雜而无紀 具變易之理文王遂取其義而命為周易耳當名者 以義圖為作易原本故遂謂圖為易也又謂義圖原 未有名可知開字既在彰往八字之下則彰往八字 而當名為作易時矣必開而後當名則未開之時必 有惧今觀上文以稱名稽類為衰世之意則可知開

政主四軍全書 人 是乎全備而易書于是乎起矣此文王之易之妙也 辨矣正矣斷矣而周易之妙足以發義圖之藴者于 其體以命之名如乾健坤順坎險離麗是也前云雜 于是因卦畫之陰陽多寡上下與其中之義縊而當 利建侯利有攸往利涉大川與不利之說是也當矣 天地山澤乾馬坤牛乾首坤腹是也正言以標其德 而不越不越即當也辨物者辨其象而凝之以物如 如元亨利貞利牝馬之貞是也斷辭以決其吉凶如 周易函書約註

其事肆而隱因貳以濟民行或當作式以明得失之報 其稱名也小其取類也大其首遠其辭文其言曲而中 分グセルバー 當名辨物為一義與微顯闡幽說往來者相似古遠 辭文本正言來曲中肆隱本斷辭來然吉凶之斷即 而名卦訟噬一事而名卦不在大也取類大如乾坤 在正言中是正與斷亦一義也稱名小如冉井一 言之稱名本當名來取類本辨物來小大之說是合 上節當名八字言方作易此又本當辨正斷而推廣

欽定四庫全書 頭 肆備也陳也濟行者吉知所趨凶知所避也要之明 顯俱到者也直而可中其稍委曲者不中矣有不中 辨物之妙也遠言其深幽文言其光采此正言之微 之天地父母金玉布帛廣其象而不能盡也此當名 則无事不通神明之德故可因民心之疑貳以決斷 神亦无取于肆陳言曲而中則必无不中事肆而隱 其吉凶悔吝此斷辭之妙也中謂悔杏憂虞之不爽 則不可以言中此正言之妙也辭雖備而鮮不測之 月易函書約註

逆理而失順理而得之報以示人使不迷于所從耳 世道挽回氣化之書也 此文周之易所以發義圖之蘊而為開物成務維持 因卦之有名而知名卦者為衰世則可知伏羲之 必有而先天四圖已足傳先天之道為心學之始 為中古嗜慾未開諸務未起卦爻不必拆名稱不 又各具一義不可不分故中用一開字因以見時 右第六章 言文周之易本于義圖而圖之與易

欽定四庫全書 一八 卦爻既是先天則文周之易皆伏羲之圖可知安 著求卦每三變而成爻不過蓍數之多寡而已即 得不明圖易之所由分安得不明圖易之所由合 别為陰陽太少有何形象而不謂為先天乎文周 時必非衰世伏美教之圖必未嘗開而圖與易分皆 開字以别之當知全部周易皆是先天今試觀禁 後世聖人之事然周易實非有外于義圖故用 周易函書約註

易之與也其子中古乎作易者其有憂患平 其始也上以命名為衰世繋以庖犧為中古則有憂 本上章衰世之意而言有憂患即衰世之意興者遡

患而作易必非中古今曰與于中古謂作易之原從 伏羲先天圖中出也與上章彰往之上便添易字相

似故謂中古即有憂患固非謂三易之作仍為中古

亦非

是故履德之基也謙德之柄也復德之本也恒德之固

欽定四車全書 之地也異德之制也 也損德之修也俱職修益德之裕也因德之辨也并德 亦猶根基既立然後可漸進崇高柄所以持物謙所 以持禮自卑而尊人又為禮者所當執持勿失也復 天下澤定分不移修德以禮則躬行實踐有所依據 此見卦德之有關于人九卦俱依經為序履禮也上 木有根株枝葉自然暢茂善端既生不能保其无失 乃天心呈露天則將見之候善端之生悉由此始猶 周易函書約註

益加增而徳始充裕然德雖裕于常時至于處因尤 為德之地然德成于已未必應用皆善異者順乎其 理而深入之始可以制事也照按上經三卦與下經 辨并有常而不動者也人能德性堅定不變所守故 足驗生平得力因而亨則君子窮斯濫則小人故須 進修之道也然又不可以小善自足必遷善改過日 非所守恒久而堅固不可然善端雖守而勿失未必 人欲盡去又當于忿慾之萌損之又損以至于无是

卷十六

次定四車全書 · 所持本謂大體已具固謂雜感不搖修謂去其有餘 損益亦九卦上經履至謙五卦下經益至困并亦五 偶即九卦言之然上經自乾至履九卦下經首恒至 括蒼曰三陳初德也次體也次用也胡雲峰曰夫子 裕謂充其不足辨謂智生地謂體安制謂用行也襲 已并作施澤于人說照按基謂後有可增柄謂心有 六卦相配前後皆依經序上三卦至復言本大體也 下六卦至巽言制大用也來氏以履下七卦皆言持 周易函書約註

稱而隱 難而後易益長裕而不設困窮而通井居其所而選異 **榎和而至謙尊而光復小而辨于物恒雜而不厭損先** 此言卦德之妙履為德基固順人情而无拂和矣然 置氧不言氧為君也无離而互離用胸而明也 為上經之乾非偶然者于此見文王之心馬凡十卦 復而八卦為下經之恒下經自巽而未濟亦八卦轉 一經謙至復义九卦下經井至巽亦九卦上經自

雖處橫逆雜乘之地而所守益堅自不厭惡凡事之 為德柄宜若自卑且自晦矣然人益敬服終必顯著 智之既久漸就平易矣凡事之充長者不能无所施 難者則必不易損為德修其先懲忿室懲克已最難 而能辨别衆欲矣事之雜乘者必至于厭恒為德固 然陽明之用无有小大既見天心則陰邪皆所燭照 則尊而光也復為德本是一念善端之發冝若甚微 皆天理之節文人事之儀則却是極至的道理謙

次足口東公野

周易函書約註

÷

者恒不能遷動静殊也井為德地其體鎮靜而功用 窮則不通因為德辨身雖窮因而樂天知命道未嘗 改過之道裕則改者不勞于設窮者多阻滞不通人 无方凡益之道與時偕行故不設也照按凡充裕者 矣不待更有所作為以求其長也謂天施地生其益 為益為德裕遷善則善日長改過則過日寡既充長 不通也照按此當是困心衝處而知識日開居其所 取之各足何待于設遷善之道裕則遷者不勞于設 万 公司 次包事全事 履以和行謙以制禮復以自知恒以一德損以遠害益 以與利困以寡怨井以辨義異以行權 到功用則地字之解當如來氏輕重適均之謂稱稱 稱其宜性入而伏則又形迹之不露而隱矣此九卦 則人所可見者也然巽為德制能順其理則因時以 此言卦德足以適用人有禮則安无禮則危履和而 所及泛應不窮是體雖靜而用未嘗不動也按此說 之才德不同皆能各盡其善所以能為修德之助 周易函書約註

損能懲忿則不激烈而致亡身損能室慾則不因利 知幾之義德不恒則二三常則始終如一故可以一德 端之復則陽明故曰自知謂見天地之心也即頗子 讓為本故謙可用之以制禮震為行也陰道柔暗善 至故人可用之以和其行兌悦故言和禮以恭敬遜 為德地而居所能遷則體立而用行身安而利溥故 如之困為德辨寧于已簿而于人厚故寡怨于人井 ľ 招禍患遷善改過日進髙明馴至美大聖神何利 Į 卷十六

飲定四車全書 M 上下无常剛柔相易不可為典要唯變所適 易之為書也不可遠為道也屢遷變動不居周流六虚 宜不滞于一定之理故可以行權此九卦之所以處 憂患而克當也 有以辨義異為德制乃稱而能隱則不失乎輕重之 自此至十章皆釋周公之文十一章 專說卦之大用 釋文王之易也八章以下詳言爻釋周公之易也 右第七章 前章言圖釋伏羲之易也此章言卦 周易函言約註

不執一也此下則言屢遷而不可遠之事陰陽變動 實有益九為乾六為坤乾動坤靜或有為坤无為乾 有也乾陽遊歷其中或上或下始成卦體故以為周 以神用故可徵時坤以形用故可定位是位者坤之 之安居樂玩皆不可離也道即一陰一陽之謂屢遷者 下古今之變切于人生日用之常以之修德廣業以 十二章兼說卦文之大用不可遠即不可離周于天 初无定居六爻虚位任其周流陰陽往來如寄皆非

改至四華全 如臨父母舊本无 其出入以度外内使知懼又明于憂患與故无有師保 實則坤猶虚位耳故謂六位為六虚剛柔相易謂剛 變為剛皆是也典要謂不可以定法絕也亦唯變之 之位柔亦居之柔之位剛亦居之又如剛變為柔柔 在中者為實以物貯器中亦曰實坤之六位非陽莫 所趨而已 派于六之虚位陽之稱實非果實也正如果核仁之

金グビスなって 内以定位言謂入而來居于內出而往居于外一 變陰則陽入而陰出陰變陽則陰入而陽出由復至 乾由始至坤皆有程度以度者不遺漏不凌越也外 處言如自下而往上為出窮上而返下為入又如陽 字則出入以度及外內字斷當在卦爻上說益知之 明之者人而使之然者則卦爻也出入自交易變易 此節言卦爻之;適用自來皆就人說玩!使字知字明 一入一内一外其當位不當位有多少變態使人知之

飲定四車全書 一門 戒也按明字與知字同亦本使字說謂吉內禍福見 也出入猶行藏外內猶隱顯遯以遠時為吉豐以幽 隱致凶漸以髙顯為美明夷以處暗利貞此外內之 那得不懼韓康伯曰明出入之度使人知外內之戒 保二句亦是使人如此如云不待教誨自然親爱之 于卦爻者昭然明白故即所以致憂患之故无有師 作畏下段作爱良是又一說下段承上段來明于 无已也觀一又字上下兩段自是兩義來氏以上段 周易函言的註

初率其解而揆其方既有典常尚非其人道不虚行 悉正使字中的道理无有師保二句正知懼之實 對初字言究竟也苟非其人道不虚行神而明之存 乎其人也 揆度其事理之所向則卦爻出入之度憂患之故自 此為用易者言謂人于觀象之初率其卦文之辭而 能確然見其定理不可為典要者而亦有典常矣既字 右第八章 易至于審文則動變相循出入進退

次足四車全島 風 易之為書也原始要終以為質也六文相雜唯其時物也 言所由成書之道也質謂卦體初卦之始上卦之終 始終之无定者時也時如復夬之爲復夬姤剥之爲 柔不必皆同始終不必一致蓋剛柔之成質者物也 由初至上始成卦體然後內外備而貞悔全六久相 此言聖人始初作易觀象定辭之法故用易書領起 雜謂體中所具之爻有剛柔上下多寡變動之殊剛 通于人事故此章遂以人事言之 周易函書約註

其初難知其上易知本末也初辭擬之卒成之終 合うじんバッ 无定也 變動不居上說如乾龍物也而始終內外不同因有 磐陸木之殊也盖卦為文體文為卦用體有定而用 潛見飛躍之殊也漸鴻物也而始終內外不同因有 本上易書說原始要終為質之義初上即始終卦之 姤剥是也位之象物雖有定體然既以爲時物則在 初文端倪方露多幽隱難知卦之上文體段已成則 卷十六

欽定四庫全書 " 之辭亦必商量擬議觀其隱深之妙不敢輕易措辭 馬此聖人傳心之私也唯難知故聖人作易于初文 益卦至五爻其一未成後尚有陰陽動靜之分及上 其卦已成其質已著故曰易知孔子所由謂為彰往 謂上據上而論初固為本然初所由來必有大本存 爻既成始有定體顯然昭著于外故易知本謂初末 顧明易見以初方出于太極其幾方動其體未全故 日難知孔子所由謂為察來上為卦末象顯于有形 月易函裁約註

若夫雜物撰德鄭元撰作辨是與非則非其中交不備 本易書來發六文相雜唯其時物之義初上之義既 亦有理 唯易知故上文不煩更擬不過因初之象占而成其一 爻中而萬物之情已類隱私于爻而有能可效者德 已聞矣若夫散見于爻而有形可象者物也雜著干 終如乾初日潛便不可知矣上九日亢便顯然矣復 初之幾迷復之山亦同侯果舉噬嗑初上就人事言 卷十六

對初上言也一日雜者兩物相雜而互之也指互卦 是其物也乾健坤順是其德也及中五為震龍兒羊 雖辨而无以相發明安云備哉中久謂在中之四久 則非牛馬之物是雜物也震動兒悅則非健順之德 說如乾馬坤牛各有定象非雜也如泰卦乾馬坤牛 四爻以求之則物雖雜而未盡德雖撰而未該是非 而辨其為是即物與德之惡者而辨其為非非合中 也結撰于文中而神明之德已通即物與德之善者

次定四車全書 !

周易函言約註

+

噫亦要存亡古山則居可知矣格尊居音基謂 例 互震兒故至五爻遂有帝乙歸妹之解此即互卦之 功三五相得正成上互之功三四為 說王弼闢互正見其礙下文二四相得正成下互之 是撰德也魯岳公曰漢儒論互體部子亦有用四之 知者雜作觀其彖辭則思過半矣 五為上下二體之中故稱中文照按泰本坤乾中 卦全體之中 邪當

分り

ロ人ノニッド

J

卷十六

次定四車全書 噫亦得其要歸可耳約諸物理之存亡而窮其消息 六爻皆一卦所分而彖傳則一卦之綱領也 徴于交而各卦之彖傳詮解卦辭者已備悉言之益 存亡亦說人事特就物理明之然始終是非之辨雖 隱是非不紊君子之所以居身斷可識矣居非居然 之機約諸人事之吉凸而究其得失之報則始終無 以該本末有中文以辨是非非有繁重難勝之道也 此統論一卦之體合六爻言也要歸也約也有初上 周易函書的註

柔中也三與五同功而異位三多凸五多功貴賤之等 古註惧作正文 二與四同功而異位其善不同二多譽四多懼近也舉 也其柔危其剛勝邪 雖不盡多譽而譽多四之善雖不盡皆懼而懼多去 異位矣唯異位故聖人係辭之善亦有不同二之善 此本中交言二四本陰位德性相似率其所性皆能 為柔順之事業是謂同功然二居下體四居上體則 柔之為道不利遠者其要无咎其用 老十六 次定四東全書 · 君則二之多譽以其遠矣然陰柔之性依剛以立本 逼之嫌覆餗之慮所自有也故懼四之多懼以其近 居上體之中則異位矣故三之辭未必无功而凶居 皆能為剛健之事業是謂同功然三居下體之上五 其近而亦為柔不中可知也三五本陽位率其所性 夫二之多譽固為其遠而亦為柔中則多懼者固為 不利于遠君顧二乃无谷而多譽者柔而得中故也 二四同陰而譽懼不同為四近五君則其任重而凌 用易面書的註

青一 亦非以其剛也合二四三五觀之則知遠近貴駿不 多功固以其贵而亦以其剛三之多凸固以其賤而 柔居之三賤固多山五貴亦不能多功何其危若以 多凶顧三五雖凶功不同其位皆任大責重若以六 九剛居之五貴固多功三賤亦不至多凸然則五之 多五之辭未必无凶而功居多益君位為貴有獨運 之權臣下之功皆其功故曰功臣位為賤无專成之 作威福而凶害隨之一不勝任而覆飲遺患故

久正日戶 八十 則 同 者乎凡健順邪正之德有不撰而是非有不辨者乎 中則多譽柔不中則多懼柔則危剛則勝則德以撰 此推之則凡飛潛動植之物有不雜而是非有不辨 而德之是非辨矣此固雜物撰德辨是非之一端由 之旨 右第九章 物以雜而物之是非辨矣柔剛雖不同均德也柔 '均物也遠則多譽近則多懼貴則多功賤則多凸 總論六文分初上與中文以發作易 用易函言的註 主

兼三才而两之村下做此故六六者非他也三才之道 也 易之為書也廣大悉備有天道馬有人道馬有地道馬 中所有暗含人道說一曰廣大者體統渾淪悉備者 爻說明天人合一之古廣指坤大指乾悉備指乾坤 上章易書是方去作易此章易書是作成之易通就 條理詳密太極之理際于天蟠于地體于人五陽 **隂天以雨而成象三仁四義人以兩而成德初剛二**

たろうらしい 當故吉丛生馬 道有變動故曰文文有等故曰物物相雜故曰文文不 中各有陰陽三中函二 柔地以两而成質內外卦各有三極二中函三三極 天道有畫夜日月之變地道有剛柔燥濕之變人道 易道變動指二老謂陽動變陰陰動變陽也陸績曰 有行止動静吉凶善惡之變聖人設陰陽老少之文 一節言六爻之體段此節發明雜物撰德之義道謂 用易函書的註

有吉凸非有先後也 惡而吉凸即于是生馬故一變動之間即有物有文 陽位也剛居乎柔有是亦有非柔居乎剛有善亦有 也一不獨顯相問成文猶青黃之相兼也如初三五 謂之物文不可以言物有可等始言物相雜者相間 以效法其變動故稱文等謂上中下之位也有質之 物則有剛柔大小遠近貴賤之異故可以别其等者 二四六剛柔相間是也不當者非特陽居陰位陰居

金分四月全書

卷十六

事邪是故其辭危危者使平易者使傾其道甚大百物 **欽定四車全書** 不廢懼以終始其要无咎此之謂易之道也 易之與也其當殷之末世周之盛德邪當文王與紂之 此下皆本易書而明趨避之旨正前所云衰世之意 世則情偽不若是之甚非盛德則无以深知其情偽 易傾轉移甚神則文王作易寧獨意在殷世乎非末 也盛德即就作易見出非專謂殷為衰世觀下危平 右第十章 言易書已成卦爻之包括如此 月易函書約註

致禍而凶悔各之屬歸之此皆理勢自然一若解有 危者辭則使之平焉敬慎足以不敗而吉无咎之屬 對危平易傾正辭危之用其易卦中有戰兢惕厲而 約欲人恐懼修省至于无咎而已則按此章宜主盛 始危懼自始至終也謂聖人繋辭不敢始危終易大 以使之也不廢者不廢此危平易傾之理也懼以終 歸之有驕矜慢怠而易者辭則使之傾焉怠荒極以 上危字懼也文王身經憂患故多危懼下危字與安

をナン

致定四車全書 · 夫乾天下之至健也德行恒易以知險夫坤天下之至 定傾使人知懼德屬體作易之本也道屬用使平使 答兼君子小人言總言吉可趨 可避其要在于戒 德文王當殷之末世以其盛德著見于易故能扶危 也危平道大就君子言易傾與懼就小人言要歸无 懼以修身而已 傾是也前後言道中言盛德見使平使傾非徒然者 右第十一章 言易書之靈妙以發趨避之肯 月 易雨當約註

順也德行恒簡以知阻 乾坤 大業也易簡者乾坤无私之理全在用上見出險 者天地間至動至隨高卑雜陳之事皆從亨而利中 順所轉移不言諸卦止言乾坤諸卦之陰陽皆九六 因上章說出危平易傾則易之神妙可知故此遂說 即日新之盛德也行者乾坤衆著之生成即富有之 之二用也健順者乾坤之性德者乾坤在中之總蓄 健順之德因及知險知阻以見危平易傾皆健 阻

设定四事全書 · 者由順者相形而見有阻則不得為恒簡乾之知險 險陷之情益險難不易者由易者相形而見有險則 是至順之德行然也險阻雖止說知而无險无阻 豈唯知之且能使險者而悉歸于易是至健之德行 見出險難者易直之反阻塞者簡順之反至健則所 然也坤之知阻豈唯知之且能使阻者而悉歸于簡 不得為恒易簡順无滞自无繁壅之獎益阻塞不順 行无難故易至順則所行无滞故簡易直平坦自无 門易面書的註

能說諸心能研諸侯之慮康本坎為 故變化云為古事有祥象事知器占事知來 易云侯當作民 定天下之古山成天下之塵塵者是侯之二字行文楊 定天下之古山成天下之雕塵者是 說研定成雖說人實本健順易簡說易之能也說心 候亦可能字就易說本上乾坤來上言知此言能耳 作民字或傳寫之訛如論流行變易之理作時候之 侯之二字王以為衍文然周易未經秦火當如楊易 在其中此所由危平而易傾也 故云熊 云然 王略

亹承研慮皆未當定言不可移易 亹雖有勉强之 定則趨避有基故能成就无窮功業此上皆易卦之 義却是說作用不窮成字說在定後却是說吉凸既 唯能轉移然後能定也云為即言行變化應用无方 之為向以能作聖人之能以定吉凶承說心以成亹 者契于心而无拂研處者深致其思而微顯洞然是 能前日危易皆轉移于易此又日定正為危易者言 故以下方說功用雖屬人事而能如此者莫非健順 用易函書約註

吉則必有可徵之祥因在變化云為之後故凶者可 内事功見于外故能變化云為而无所執也以之趨 有定故也知來即成亹亹之妙也變化二句相連說 凶之究竟器之所受如長短大小廣狹之類有象則 未當象其事則知其器量之所受占其事則知其古 轉而為吉向兼凶說未是來氏本劉績以吉作言亦 也此又本說研及成亹亹來皆易之能也思慮熟于 象事句研說于卦也占事句研說于文也下曰八卦

文象以情言剛柔雜居而吉凸可見矣 天地設位聖人成能人謀鬼謀百姓與能八卦以象告 亦可 能字在内成能句承次節能字却兼知字在内成能 本上變化云為成亹亹來設位句承首節知字却兼 以象告爻象以情言是也止說易簡之妙不分卦爻

飲定四軍全書 题

與能皆成亹亹之事至于成能則易簡之知能盡歸

聖人矣八卦以象告故象事知器爻象以情言故占

月易雨書約註

象在其中若天地風雷乾馬坤牛是也交者效天下之 事知來上段本說成亹亹之事然上節定字本在成 動者也爻下始言於兼指文王卦辭謂卦爻之能也 所能止此筮占中吉趨而凸避也象像也八卦成 智愚不遺了又以見聖人所成秦贊位育非如百姓 上言顯微无間也百姓與能見百姓得與其中便是 可見者事功既成乃始有吉凶也人謀鬼謀說在占 先定而後可成也此節上段說成亹亹下乃曰吉凸

飲定四車全書 近相取而悔各生情偽相感而利害生凡易之情近而 變動以利言吉凸以情遷是故愛惡相攻而吉凸生遠 百姓與能非聖人成能之事 此險阻言者言此險阻見者見此險阻吉凸既定故 能變化云為而亹亹可成也八卦以象告之下單承 殊也由其承乘應比而吉凸之情判然可見告者告 情即卦爻中動變之情由卦爻之時位見也剛柔即 九六指文而言相雜謂陰陽來往上下承乘應比之 周易西書約註 テハ

不相得則凸白或害之白悔且吞 吉凶情遷之故葢吉凶在文每因剛柔往來初終内 言无阻也象日乾道變化言利而已以情遷者因本 外之情而遷變承乘應比各有爱惡爱則吉惡則凸 爻各具之情遂改易其吉凶也爱惡情也是故下皆 靈不靈則不順利故曰變通以利言利即亨利之利 變必有所通照所以有四通之說若滞于一所則不 此明剛柔雜居吉凸可見之故皆與能之事几爻之

欽定四軍全書 推本言之遠近情寫亦姑自其淺深而分耳當知卦 **凶分矣因遠近生情偽因情偽生愛惡皆蒙情遷句** 則情之方露而悔吝之初著矣攻則情之極至而古 近相取承乘是也情實也對偽而言情相感中孚九 政家人九五惡相政同人九三是也遠相取應外是也 也相攻相取情也感者情之始動利害之開端也取 「偽相感漸之九五是也近而不相得困三豫二是 周易函書的註

然爱而亦相攻者膠漆之投入之唯恐不深也爱相

蘇多誣善之人其解游失其守者其辭屈楊易屈 將叛者其辭慙中心疑者其辭枝古人之辭寡躁人之 遠者止于應不應耳既不相值其情猶級若近而不 **悔杏本遠近句此處三者相連故知上三句相連說** 此與上節雖若不類言外見卦文之辭包羅含蓄中 立文之法无過時位變通二句言時爱惡以下言位 相得則凶或害之悔且吝凶本爱惡句害本情偽句 文中其居皆有遠近其心皆有情偽其情皆有爱惡 盐

寡而自寡欲動情勝者躁人也内无養而心易縱辭 易當亦各有其情欲人因卦辭而推求卦爻之情偽 不期多而自多誣善為惡之人无實跡可據必遷就 定執馬去欲循理古人也心敬慎而言有節辭不期 **脉乎是非莫知適從者內无主見辭必枝離兩端无** 中心不安發而為辭处慙愧回互而无所舒展人有 也試即辭之在人以情遷者觀之有將叛乎正理者 正和平知泉辭之各異各有其情則卦文之遷轉變

次定四重全事 一

用易函書的註

手り 哉虞翻曰辭慙者坎人之辭也近而不相得故叛坎 辭多者震人之辭震為決躁恐懼統統笑言啞啞故 為隱伏為兵式故叛坎為心故輕辭枝者離人之辭 也火性枝分故枝疑也辭寡者艮人之辭言有序也 辭安得不因情而遷致有爱惡攻取吉凶悔各之 以情遷如此則卦爻既殊當亦各一其情而繫爻之 者心志車陋其辭屈抑而不伸人情險阻不同而辭 快其私其解游移而无根委靡退怯而失其職守

終坎離則下經終既未上繫終乾坤則下繫終六子 辭屈巽人之辭也異結屈震初陽入伏異陰下故其 辭屈此六子也離上坎下震起艮止兄見巽伏上經 多辭辭游兄人之辭也名為口舌誣乾乾為善人也 此易之大義也 節言易簡之知次節言易簡之能設位成能總上 右第十二章 一節言聖人作易使人知險阻變動節言易書能 此章以乾坤易簡知險阻為主首

欠已日日 Alto

用易函离的註

圭

周易函書約註卷十六 假易書自知險阻示人以險阻可知之理以為能 知險阻因示人以險阻之可知將叛節言聖人 作易而使百姓與能見聖人作易之大用 例險阻情也故末止言情字 易之原此章言聖人以易簡之德知險知阻 真篇言聖人以易簡之德成位乎天地見聖